

先 兄 耿 丹 與 武 昌 首 義

耿 心

湖北四傑少年英發

先君敦五公生余兄弟三人，長兄觀文字伯劍；仲兄名丹字仲劍；余名心字季劍，居幼。先君清季廩生曾留日習師範，志在從事教育報國，學成歸國後，教授鄉里，里中革命志士如史青、趙儼瞻等，皆出其門。先君憤清政不綱，熱望改革，初尚傾向維新，長兄以舉人留日士官第六期，加盟中國革命同盟會，翊贊 國父籌畫革命，並以身爲各省新軍聯絡中樞，導致辛亥武昌首義迅收各省響應之效。勸先君放棄維新，參加革命，先君降心相從，竭力支持。仲兄稟賦穎異。少懷大志，心憂天下，承先君及先長兄革命救國思想耳提面命之薰陶，甘冒艱險，獻身黨國，參加辛亥武昌首義，蔚爲開國元勳。古人有言：「人皆樂有賢父兄。」仲兄之立志革命，義不返顧，年甫弱冠，名聞遐邇，胥受先君及先長兄平日之訓導有以致之也。余爲幼子，受先君之寵愛，兩兄長之覆護，於無憂無慮中，自幼赴日留學，由成城中學畢業升早稻田大學習政治經濟，希望繼兩兄以軍事長才輔佐革命三大領袖開國之後，（長兄追隨 國父於民元任臨時大總統府祕書處軍事組主任。迨遷都北京，又贊助黃興先生任南京

留守府參謀處長。仲兄響應武昌首義受黎元洪先生識拔，任鄂軍都督府禁衛軍標統），期望運用政教力量，發揮自立自強精神，配合我國地大物博人衆三大優越條件，實踐 國父人盡其才、地盡其利、物盡其用、貨暢其流之遺教，爭取參加國際文明大國之行列，共盡維持世界和平之義務，共享主權領土不受侵犯之權利，此爲研習政治經濟學者應有之抱負，不得謂爲言大而誇，奈予賦性保守，狷介有餘而狂不足，既羞爲鄉愿媚世，又恥奔競逢迎，遇事但知往下紮根，不違向上發展，用是歲月蹉跎。百無一是，迨大陸淪陷，頓失憑藉，追悔莫及，而今踟躕台海亟思補過，三十年來易從政爲執教，鏗而不舍，不厭不倦，頗有不知老之將至之樂，顧一念及大陸未復，同胞猶陷水火，待罪之不遑，敢言樂以忘憂！

先兄仲劍自幼年求學，值先君教授於鄉，賴以培植舊學根基，激發民族大義，迨至少年時期始赴武昌求學，先後肄業西路高等小學、湖北陸軍小學及陸軍第三中學，其在西路高小同學中，尚有留美學人衛挺生先生，年近九旬早年在中外雜誌發表自傳，屢承垂念先兄，不以生死易交，洵屬難能可感。至在陸軍小學與陸軍第三中學同期同學，則人才濟濟，其最著者，有萬武樵（耀煌）、張伯常（篤倫）及辜達岸（仁發）先生，俱

與先兄志同道合，誓共生死，致力革命，時共稱爲陸軍第三中學湖北四傑，辛亥武昌首義時，惟先兄尙留校待命，萬張兩先生則早於兩月前昇學保定軍官學校第一期。辜先生亦係同時與何應欽（敬之）、谷正倫（紀常）、賀耀祖（貴儼）三先生一同派往日本昇學士官第十期，逮至武昌首義，萬張辜三先生聞先兄已率陸軍第三中學同學參加作戰，並奉派爲鄂都督府禁衛軍標統，均抱共赴國難志節，先後返鄂，形成四人小組，爭先效命，建立殊勳，爲世所欽。尤足稱者。萬張兩先生於抗戰勝利後，曾先後任湖北省主席，俱以敬恭桑梓，建樹廉能政風爲本，與利除弊不遺餘力，尤以慎選縣長及推展建教新猷，先後輝映，傳爲佳語。辜先生則於民國五年畢業日本士官第十期，爲其士官六期前輩時任山西都督閻錫山聘約赴晉，協助整軍。迨至十六年北伐，經多方說服閻錫山響應革命軍，光復平津，任國民革命軍第三集團軍總司令部參謀長。此四人小組雖所事不同，而殊途同歸，均以報效黨國卓然有以自見，又俱爲陸軍第三中學同期校友，鄉人稱爲四傑，非偶然也。

策動同學響應首義

辛亥三二九廣州起義失敗後，同盟會痛定思

痛，成立長江中部組織，改以武漢為起義策源地，並由兩湖革命先進宋教仁（鈍初）、居正（覺生）、聯絡武漢革命志士孫武（堯卿）、蔣翊武（佰夔）、劉公（仲文）等，策動武昌新軍，伺機發難。先兄得安陸革命志士陳育武之介紹，獲識孫武，加盟共進會，並奉命潛伏陸軍第三中學聯絡同學，待機響應起義，所幸時機成熟出人意表，即在武昌首義前一個月又四日，即辛亥七月十五日（在台四川同鄉會至今猶定是日為四川革命起義日，每年集會慶祝）四川革命志士為保護人民投資川漢鐵路股權，反對清廷鐵道國有政策，發動成都紳商多人前往四川督署請願，時川督趙爾豐陰險狠毒，素有屠戶之稱，竟命衛士槍擊請願紳商示威，死傷慘烈，激起成都市民憤慨不滿，罷工罷市，羣起鼓噪驅趙，清廷聞訊，乃派郵傳部侍郎端方（曾任四川總督）赴川查辦，並命鄂督瑞澂就近派兵一協（今之一旅）護送端方入川鎮壓。於是武漢防務頓陷空虛。孟子曰：

「雖有鐵基，不如待時，雖有智慧，不如乘勢。」孫、劉、蔣三先生咸認為時不可失，機難再逢，幾經籌劃蘊釀，而有八一九武昌起義之發動，一夕之間，全城光復，一由瑞澂畏怯宵遁，一由革命軍團結奮戰，先聲奪人，用能一舉成功。先兄在武昌蘊釀起義之時，早作萬全準備，故能於是夜一聞熊炳坤發難之槍聲，立即響應，率領陸軍第三中學同學，追隨其他新軍之後，參加圍攻督署，瑞澂畏死，早已遁逃，時革命軍領袖孫武因製炸藥負傷，暫推吳兆麟（長三新軍隊官今之連長）為總指揮，先兄所率學生軍，亦在其指揮

序列，從此兩人一見如故，惺惺相惜，不因年輩相差，位望懸殊稍存芥蒂，固由吳公霸氣縱橫求才若渴，亦因先兄文武兼備，雄姿英發，形成交互吸引，志同道合，共同擁戴黃陂黎元洪（黎公籍隸湖北黃陂縣），創建新局，肇開民國，可謂時勢造英雄，亦可稱為英雄造時勢。

隨吳兆麟見黎元洪

黎元洪，並非革命黨出身，自被擁戴出任都督，始尚猶豫兩日，繼經吳兆麟勸以民族大義，復說明當時大好革命形勢，既便於革命行仁，亦適於個人創造錦繡前途，時先兄耿丹侍立吳兆麟之側，年方弱冠——英氣勃勃正欲補述吳兆麟辭未達意之處躊躇不敢貿然啓齒，吳兆麟乃乘機居中介紹，黎元洪立即莞爾下問：青年隊長，有話請說，我當洗耳傾聽。似此儼然長者慈祥親切口吻，足以鼓勵先兄勇氣慷慨陳辭：首先說明中山先生致力革命，第一要實行民族主義，即推翻統治，還我河山，與孔子主張嚴華夷之別，內中國而外夷狄，若符合符節。第二要實行民權主義，即仿效美國華盛頓革命，永久廢除君主專制，建立民主共和，以保障國家長治久安，與孔子主張民本，孟子主張民為貴同一構想，而延伸為民主政治。第三要實行民生主義，即致力經濟建設以求富，平均地權以求均，與孔子主張足食足兵，富而好禮，不患寡而患不均，孟子主張有恆產而後有恆心之觀念——契合無間，總之理想崇高而切合國情，時機成熟而實踐容易，凡屬血性青年，莫不傾心悅服，甘願犧牲身家性命，歷經十

次起義失敗而不灰心，今全國正寄望於武漢，繼起直追，擷取革命成功之果實，而武漢志士又寄望於我都督睿智領導，可謂天與人歸，勝算在握，務望採納吳兆麟之勸告，不再遲疑，領導羣倫，實心任事以順輿情，而安民心。黎元洪見先兄語言清朗，辭婉意誠，深受感動，立即改容致答：今而後知 中山先生倡導革命是為建設國家富強，不以破壞報復為快，是主張天下為公，而非為私人打天下，是以民主制度保障國家長治久安，使我茅塞頓開，愉快萬分。就中尤以 中山先生崇高革命理想與孔孟之道契合無間，並非外間所傳離經叛道，為我前所未聞，使我更有與君一夕談勝讀十年書之感。我決改變初衷，採納二位之勸告，正式視事，盡忠報國，完成革命，尚望兩君勿忘今日之幸會，此後遇有措施失當，考慮欠周，事無鉅細，從旁匡助。此即黎元洪變猶豫為效忠革命之經過也。逮至都督府正式成立，由吳兆麟建議以陸軍第三中學學生軍為骨幹，擴編為都督府禁衛軍一標（今之一團），負責保衛都督府安全，兼任支援武昌警備部隊，維持治安，其標統人選，黎元洪不待吳兆麟推荐，即委耿丹充任，自是三人形成小組，同心協力，殫精竭慮共維大局，卒底於成，其中經緯，說者謂幸運多於人謀，惟究其實，天下決無不盡人事而坐享成功之理，且時值非常，局勢瞬息萬變，肆應之難，非可言喻，三人面對危疑震撼，賭命鬥智，視若尋常，尤需發揮潛能，制敵機先，爭取時效，否則稍縱即逝，一著錯滿盤皆輸，黎元洪居高位固不敢掉以輕心貽誤大局，先兄耿丹位卑權輕，

隨分盡職已屬難能可貴，似不應責以攸關大局安危之重任，徒以身受黎元洪知遇倚畀視同吳兆麟，更因年輕心熱，惟知達成革命任務，為感恩圖報不二法門，用是罔顧艱險，意圖挽救武昌孤懸江右危機於先；扭轉革命形勢，以免功虧一簣於後，且宅心仁厚功成不居亦不外洩，以免影響黎元洪威信。茲謹分別簡述經過以明武昌首義成功，絕非僥倖。端賴人謀。

說服張彪放棄漢口

武昌首義之夕，清軍統制張彪雖繼瑞澂之後，逃離漢口，潛赴漢口，仍意圖以劉家廟為據點，指揮漢口防軍作困獸之鬥，時武昌初復，人心惶惶，各國領事尚未承認革命軍為交戰團體，鄰省長沙、九江亦正在遲疑觀望，而武昌孤懸江右，亟待光復漢口以為犄角支柱。並聞清廷已派蔭昌率師沿平漢路南增援，尤應乘其未到以前爭取時間早復漢口，積極佈防以防意外，惟還顧湖北都督府雖已正式成立，而內部人事安排，行政部署，尚未步入正軌，計較個人之權位者多，留意大局重危危者少，黎元洪與吳兆麟、先兄三人為統籌全局，實無旁貸，認為當時萬事莫如光復漢口急，但光復漢口既無足用之兵，有之，復恐兵連禍結，曠日持久反予蔭昌以可乘之隙，於是吳兆麟建議選派代表冒險赴漢遊說張彪，自動放棄抵抗，黎元洪初有難色，理由有三：(一)張彪不學無術殘酷野蠻，若代表與之話不投機，恐有生命之憂。(二)代表人選要有膽有識，不卑不亢，除機智應變外，尚需辯才無礙。(三)似此才能，急遽之間，

何處訪求，即使果有其人，我為愛惜人才，亦不願在生命毫無保障之下，貿然派遣，先兄耿丹在座參與末議，尚未輪及發言，至時迅即起立，自告奮勇志願承擔遊說張彪之重任，吳兆麟為顧及先兄安全，不待黎元洪發言，首先反對，黎元洪和之，頓成僵局，先兄乃從容慨陳：「自奉委為標統後，深感責任重大，懼有隕越，曾稟奉先君訓諭，頗以遠大相期，並抄示曾文正昔日治事接物足資借鏡之名言如下：『勤以率眾，無間昕宵，儉以奉身不殊寒素，其生平所以自勵勗人者為不長難取巧，雖前有危險，後有謗議，亦毅然赴之而不顧。至袍澤相處，有功則謙以讓人，任勞則引為己任，始則部眾化之，繼則同寅感之，最後各省亦慕而效之。所以轉移風氣者在此，宏濟艱難者亦在此。』」丹誓當終身奉為圭臬，篤踐力行，於私仰副親望，於公亦不負都督破格栽培以報知遇，今遊說張彪勢在必行，既不能因代表人選困難而中止，尤應爭取時間早決大計，丹自願

聞。孫子曰：「置之死地而後生」，時不可失，務請都督勿再遲疑而誤大事。」於是先獲黎元洪首肯，吳兆麟則退而研究此行各項細節俱臻妥適後，親送江岸互道珍重而別，時吳兆麟已與高尚志同時發表為革命軍第二、三兩鎮之統制也。

武昌起義後五日（八月廿四日），先兄攜致贈張彪旅費五千兩銀票一紙及黎元洪親筆信件，微服渡江赴漢口劉家廟張彪臨時指揮所求見，晤對之初，張彪略顯敵意，逮至啓閱由先兄代撰黎元洪親筆之文字淺顯情詞懇摯之信函及附贈之旅費後，始改容寒暄，先詢先兄家世、年齡及所受教育，服行軍職經過，次問來意，又不待先兄畢其辭，即笑語先兄曰：「黎元洪信中說你少不更事，惟一長處就是不怕死，所以自動要求做代表，並料準我與黎元洪交好多年，必能愛屋及烏，不致傷你性命，黎元洪才放心任你為代表，似此膽識過人料事如神，又如此青年英俊，無怪深受黎元洪器重，請放心，愛才我亦不落人後，決不讓黎元洪專美於前，不僅不以為你當奸細治罪，並完全接受你請求立將漢口防務和平交與黎元洪接管，最後並提及他與黎元洪同受張之洞（南皮）知遇，之洞一生致力革新工作，整軍備，興學校，辦實業，目的在富國強兵。現在聽你說革命黨亦為建設而革命，既不是土匪亂黨，亦不是為個人打天下，最後的目的同為國泰民安，我也衷心贊同，不過黎元洪有幸早認識你，早瞭解革命之大道理，登上革命元勳寶座，僅此一點，我自知落後黎元洪一步，此後勢將步步落後，此事攸關國家命運，我決不嫉妒，因我行運較早，好

運已過不再強求，當時先兄亦深佩張彪賦性豪邁，尚不失為識時務之俊傑。比至武昌首義後六年（民國五年）黎元洪第一次任大總統時，不待張彪請求即任之為將軍府虎威將軍，旨在酬其和平護防漢口之功。時辛亥三二九廣州起義時，反抗革命之遜清廣東水師提督李準亦正退寓天津，聞訊立即呈請援例，黎元洪亦欣然允諾授為將軍府直威將軍，蓋李準雖在辛亥三二九廣州起義時反抗黃克強先生領導之義師，而在半年後廣州響應武昌起義，又義助廣東都督胡漢民效忠革命，差堪媲美張彪，同為識時務之俊傑也。

單騎追黎安定人心

黎元洪自允就中華民國軍政府鄂軍都督後，風聲所播，各省紛紛響應獨立，清廷繼蔭昌之後改用袁世凱為欽差大臣南下督師，時黃興（克強）自三月二十九日廣州之役失敗，方蟄居香港，至是聞風興起，率先赴義，於九月初七日暫行抵鄂，黎元洪欽其威望，任之為戰時總司令官，登壇授印，禮極隆重，黃興統帥革命軍與清軍血戰於漢口大智門劉家廟一帶，旅進旅退，相持不下達一月之久，革命志士雖士氣旺盛，卒因訓練裝備遠不及袁部馮國璋所屬北洋軍，十月七日漢陽遂失陷，革命軍退守武昌，黃興不自安引咎走上海，時距離、浙、鎮江、淞滬聯軍克南京（十月十二日）及武漢南北兩軍停戰議和（十月十三日）僅五、六日之隔，由於清軍踞漢陽龜山砲壘都督府，導致武昌風聲鶴唳一夕數驚，黎元洪被迫暫遷至城郊洪山元通寺辦公表示決不屈服。先兄時尚

未婚，久經習慣以軍為家，自亦隨之同遷洪山，朝夕不離左右，所幸萬武樵（耀煌）、張伯常（篤倫）、辜達岸（仁發）三先生早經先後返鄂，均能不計名位，共同佐助先兄分負標部訓練作戰之責任，因限於編制，不能同時延納，經請吳兆麟借箸代籌結果，張篤倫因與先兄有郎舅姻親關係，未便屈致標部共事，吳乃任張為第三鎮參謀，辜仁發與吳之介弟吳兆經在日本士官學校同學，此次聯袂返鄂，早有成議同入吳兆麟戎幕任參謀，於是先兄特敦請萬耀煌任標附（今之團附），萬耀煌與張篤倫、辜仁發、耿丹同學四傑中，年齡較長，品端學優為先兄欽服，今雖屈任標附，先兄仍敬禮不衰，事無鉅細，莫不商而後行，甚至關於標部經理業務，因兩人俱缺經驗，深恐浪費而致虧損公帑，特商由萬耀煌挽其胞兄萬玉拂先生屈就軍需，萬玉拂能避勞怨，嚴守預算，本量入為出當用不惜之原則，為肆應軍中上下之方針，不僅盡掃清末部隊剋扣之積弊，遇有結餘，亦均報由先兄裁決悉充官兵恤賞之需，蓋先兄深佩黎元洪昔日治軍謹嚴，重紀律而厚待遇，信賞必罰，用是上下一心勇赴事功，其所以提高黎元洪聲譽者在此，而成首義時眾望所歸之領袖者亦在此，先兄當時深願步趨以力爭上游固由黎元洪啓之，而佐助其實踐者，則萬耀煌昆仲之功也。此外張篤倫、辜仁發兩先生與先兄俱籍隸安陸又同屬武昌西路高小、陸軍小學及陸軍第三中學同學，張辜二人斯際離身任第三鎮參謀，而心在禁衛軍標部（團部）除於漢口南北會戰最激烈時，四傑同受黃克強總司令指揮，在戰

場上出生入死將近一月，奮勇殺敵，屢建奇功，四傑幾無日不在標部聚會，暢敘舊情檢討大局，提高警覺，共謀最佳之因應，期突破困境，開拓前途。先兄自得萬耀煌臂助，每日尚需儘量騰挪時間侍從黎元洪，既備諮詢又經常奉命與吳兆麟協調各派系強有力者之紛歧意見以期和衷共濟，團結對外。十月十日上午八時左右，先兄因探悉武昌城內人心浮動，謠言蜂起，特入府建議，自願侍從黎元洪親率府中三數文武要員，進城巡視一週，寓鎮壓於鎮靜之中，其所收安定民心之效果，遠比武裝鎮懾為佳，不料黎元洪已於早數分鐘僅率親隨兩人輕騎出府，經詢據衛兵司令手指方向，係東向卓刀泉、青山一帶，先兄心知有異，乃不經考慮，亦無暇通知萬耀煌逕自單騎追往卓刀泉至青山之間，始遙見黎元洪騎駿馬在前親隨殿後。於是高聲請黎元洪留步，始見黎元洪回顧認清係先兄自後追呼，聲嘶力竭，乃停馳以待，逮至兩騎相併，黎元洪即率爾質詢來意，先兄答以職司保衛都督安全一聞經騎出府，時值非常，危機四伏，焉得不驚，用是不顧一切單騎追尋，倘有不測，既與都督共患難於前，則同生死於後，亦屬心安理得，並仍面請元洪返城巡視以安民心，詎料元洪自漢陽失守，以為革命軍倚若長城之革命偉人黃克強先生尚不能戰勝當時偽裝效忠清室之袁世凱，對革命最後勝利，頓失信心，經躊躇三日始決定離職出走葛店附近投奔至親暫避一時，此刻先兄乃痛陳利害，剖析當時局勢，進有生路，退無死所，懇求元洪放棄逃避觀念，重振雄心，迅速進城安民，以免革命功敗垂成

，所幸元洪向極器重先兄，認其宅心仁厚，勞不
言苦，功不求賞，雖年輕而有膽識，資淺而頭腦
清晰，自起義共事以來，凡有疑難，元洪居上位
而不恥下問，先兄兼參帷幄而與謀機要，片言決
疑習以為常。今值榮辱成敗關頭，得此極諫儆然
而悟，遂決意與先兄並騎回城，當路過洪山元通
寺都督府臨時辦公處時，元洪竟過門不入逕直進
城馳赴都督府原址恢復辦公，於是人心頓形安定
，士氣亦復重振，不僅大局化險為夷，元洪亦隨
之步入坦途。

勳臣烈士共成偉業

昔日拿破崙謂戰爭之勝敗，取決於最後五分
鐘，又稱勝利者屬於能苦撐至最後五分鐘之一方
，實為至理名言，惟此事經緯，就元洪而言，
可謂勇於服善，頗有納諫如流之美德。就先兄而
言，認為處大事決大疑而不惑，均係分所當為，
從不居功亦不外洩，蓋既以身許國，盡瘁革命，
不如何以扭轉大局於間不容髮之際以抒國難，
况又因感激元洪知遇，不如是又何以報答於萬一
，此事發生後兩日，即辛亥十月十二日南京光復
，其翌日南北停戰議和，綜計起義，三月之間，
清社以傾民國肇建，此後元洪以首義元勳，三次
當選副總統，兩任大總統，其個人之顯達，與民
國肇造之前途打成一片者，決非偶然倖致，更非
僅恃上述首義諸幹部及輔助元洪三人小組所能承
攬一切，須知尚有無數智略超羣膽識兼備如蔡濟
民、李四光（仲揆）、王世杰（雪廷）、湯化龍
（濟武）、夏壽康（仲膺）、李書城（曉垣）、
張知本（懷九）、饒漢祥（宓僧）、瞿瀛（幹青

）、胡瑞霖（子笏）、李基鴻（子寬）等首義元
勳，概為予所素識，或服贊襄之勞，或盡推挽之
力，此外復有難以數計之幕後無名英雄，如陸軍
第三中學參戰同學與新軍英勇死難之諸烈士，及
當時黨外立憲派諸人從旁協助參加南北議和之幕
後折衷，皆歷史事實之信而有徵者。渠等之勞苦
功高，豈可埋沒。今值開國六十九年紀念，回憶
先兄當年雄姿英發，叱咤風雲。殊勳奇功，彪炳
史冊。我猶踴躍台海。時感雙重奇恥大辱之壓迫
，第一光復大陸失土，為黨國基本國策，目的不
達，黨員之恥。第二緬懷先兄參加辛亥武昌首義
，躬冒危難佐助黎元洪開建民國，創業艱辛，成功
不易，更痛心大陸淪陷鐵幕，久未光復，用是故
國之思兄弟之情往往同時湧向心頭，切感雙重愧
對難安寢饋，常趁休假藉遊陽明山以解鬱結，欣
見明恥亭內碑刻 國父明恥教戰之訓示：「吾黨
恥受異族之專制，故有辛亥之革命，恥戴叛逆之
總統，故有癸丑之討袁；五年之役恥共和之將墜
也；六年之役，恥大法之不保也，傳曰明恥教戰
，又曰知恥近乎勇，吾黨同志恥其所恥，則國其
庶幾乎。」

撫碑婆娑，不勝愛國悼兄之思。

先兄飲恨被難始末

先兄耿丹自辛亥武昌首義輔佐黎元洪備歷艱
危，從不居功，逮至民元 國父為促成南北統一
謙辭臨時大總統並力荐袁世凱以自代，用是政府
北遷，黎元洪身任副總統隨即離鄂赴平，先兄耿
丹亦趁機自動請求解職赴日留學入士官十期，民
二甫進聯隊聞先兄與黃克強、陳英士兩先生在

京滬發動二次革命討袁救國，又放棄學業回國參
加討袁之役，一擊不中，輾轉亡命至平，幸獲當
時參謀總長鄉前輩陳二庵（宦）先生之掩護，謁
見黎元洪於其三海瀛台寓所，元洪自知不能庇護，
乃慷慨助其自費留學英國入倫敦大學，習政治經
濟，民七與王世杰先生同時返國，任教北京大學
，翌年膺湖北武昌高師師大之聘，先後任教務主
任、校長等職七年有餘，頗能自得其樂，無意再
任軍職。不料命運弄人，出人意表，民國十五年
秋，先總統蔣公奉國民革命軍北伐由湘入鄂前
夕，先兄又奉命設計策反當時任湖北省長劉佐龍
率部響應北伐軍並親赴長沙謁見 蔣公面授機宜
，立即成立國民革命軍第十五軍，以劉佐龍任軍
長，先兄任副軍長、黨代表兼政治部主任，於是
先兄為仰報知遇，並以國民革命軍第一軍作戰勇
紀律嚴為楷模，無日不親督所部各師旅團勤加訓
練，並貫輸革命主義，俾成勁旅，効忠黨國。不
料因是為劉佐龍所嫉恨以為先兄有取代軍長之野
心，蓋劉佐龍素染官僚積習，養尊處優，從不躬
親督練官兵，又忌他人為之，先兄胸無城府未之
覺也。若就兩人個性對照，劉賊佐龍既貪權慕勢
，又妬賢嫉能，先兄任事則惟知負責盡職，有功
則謙以讓人，似此不啻水火難容，焉能共事，惜
先兄不察，慘遭屠毒，竟為劉賊殺害。雖政府立
即逮捕劉賊交付軍事法庭判處擅殺極刑，並明令
褒揚先兄革命功勳，照陸軍中將陣亡例優卹、公
葬，而死者不可復生，飲恨九泉，生者永懷斯痛
，有觸即發，茲因響應中外雜誌徵稿，謹誌餘痛
，淚隨筆下矣。